



*Vic. Ol. Halwegius*

*1565.*



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1324 4°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1324 4°



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1324 4°



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1324 4°

44.-10.

LN 1324

M





ΠΡΟΠΕΜΠΤΙΚΟΝ  
SCRIPTVM ERVDI-  
TIONE ET PIETATE ORNA-  
TISSIMO VIRO M. NICOLAO OLAI HALVE-  
gio, amico & conterraneo suo singulari, Vite-  
berga in patriam abeunti, mense  
Octobri,

A  
PAVLO PETRI  
AALBVRGENSI.



*Amico suo Nicolao Olai Halve-  
gio, amico & conterraneo suo singulari,  
Viteberga in patriam abeunti, mense  
Octobri.*

VITEBERGÆ  
EXCVDEBAT IOHANNES  
CRATO.  
ANNO M. D. LXV.



AD M. NICOLAVM HAL

VEGIVM HEXASTICON PAVLI  
PETRI AALBVRGENSIS.

Munera Callaïcis HALVEGI candidâ gemmis  
Offerrem gratus sapius ipse tibi.  
Sed quia nec patulis ingentia munera cistis  
Ipse habeam, tibi fors nondare tale uetat.  
Carmina quapropter teneris exculpta figuris  
Accipies, nostræ pignora amicitia.



# ΠΡΟΠΕΜΠΤΙΚΟΝ.

**E**ST propè Leucorei ripam locus vndiq; myrtis  
 Densus, & vmbrosa fronde refertus ager.  
 Castalidis sacer & Musis, dulciq; Minervæ  
 Sanctus, & insigni vertice cultus adest.  
 Huc vbi prima volans laxarat lumina Titan  
 Accessi, studijs deditus Aonijs.  
 Ecce decem egregias positas ex ordine diuas  
 Conspicio, blandis verba referre modis.  
 Seq; salutes, dextras quoq; iungere dextris,  
 Atq; agiles solito ducere more choros.  
 Festaq; odoratis dum nectunt tempora fertis,  
 Lux præit & sequitur quæ chorus iste venit.  
 Obstupui primò, sed enim mihi nota sororum  
 Vna fuit, summo quæ Ioue nata fuit.  
 Audaces fortuna iuuat: animosq; viriles,  
 Addidit ingenio docta Minerva meo.  
 Interea accessi flexo pede, iamq; deabus  
 Hisce precaturus mollia fata fui.  
 Illa sed ore prior: iuuenis quod scire laboras,  
 Hoc quoq; me dudum scire tacente potes.  
 Namque tibi notum est, patrias quòd tendat oras  
 NICOLEOS, nostri maxima fama chori.  
 Militiam teneris nostram ille sequutus ab annis,  
 Cum docta coluit Pallade Pierides.

A 2 Vnde




Vnde sibi docti decus attribuere magistri,  
 Leucoreæ gestant qui sacra Sceptra scholæ.  
 Nunc Rosfontanas iterum reuocatur ad undas,  
 Tradat ut Isacidæ dogmata sancta scholæ.  
 Linquentes largos fontes, & iugera campi  
 Phocidis, ad vestræ venimus arua plagæ.  
 Ut faciles reditus sub patria regna precemur  
 HALVEGIO, cæptum qui modo currit iter.  
 Hunc igitur patrias repetentem, versibus, oras  
 Prosequere, & faustis gressibus ire iube.  
 Adde quod ad nostras Albim cecinisse Camænas  
 Audieris, vero teste relata refer.  
 Sic tibi Mæonijs accendam pectora flammis,  
 Ingenij ut cumules hac ratione decus.  
 Hæc ubi dicta dedit viridi se condidit antro,  
 Primaq; facundos fudit ab ore sonos.  
 Tu ne igitur nostris animo es meditatus ab oris  
 Nunc abitum, patriæ clara Lycea petens.  
 Dic age cur tanto fugis in discrimine rerum  
 Docte vir, ac nostros deseris ipse lares?  
 Aspice quæ cæli facies, quo turbine ventus  
 Commistus, pluuias præcipitabit aquas.  
 Haud aliter magnæ torpentia frigora brumæ  
 Instant, & longæ tædia dura viæ.  
 Nec metuis sæui funesta pericula belli,  
 Hoc quod Leucoreos tempore linqvis agros.

Nec

Nec tibi sunt curæ, rapidæ contagia pestis,  
Dispersa in varijs pernicioſa locis.  
Ergo mane, & cari precibus moueare ſodalis,  
Temporaq; expectes commodiora viæ.  
Ipſe breui ſpacio, modò ſi meliora fauebunt  
Sydera, tum patriæ dulcia rura petam.  
Sic ne ſodalitij conſortia noſtra relinquis,  
Et te colloquio ſubtrahis ipſe meo?  
Sed quid ego querulis conſumo tempora verbis?  
Sunt etenim fatiſ ſubdita quæq; ſuis.  
Ergo ibis patriæ Lauro redimitus ad vndas,  
Et tuus æterno tempore viuet honos?  
Gratior hoc titulo patrios ornatus ad agros,  
Doctiloquo venies cuiſlibet ipſe viro.  
Quare Palladias didiciſſe fideliter artes,  
Aurea felicem ſternit ad aſtra viam.  
Dumq; alius turpi conſumit tempora luxu,  
Aut magnas turpi ſcænore quærit opes.  
Tu colis Aoniæ artes, & ſcænore ſpreto,  
Lapſuras nullo tempore quæris opes.  
Ergo tibi Muſæ comites è pectore curas  
Tollant, & ſubitas temporis uſq; vices.  
Pythagoras ſophiæ ſtudijs, legumq; Lycurgi  
Addictus, Lybicas claſſe ſecabat aquas.  
Hic varios cupiens aſtrorum noſcere motus,  
Auſoniæ tendit culta per arua plagæ.

A 3

Sic





Sic decet ad varias doctos accedere terras,  
 Ingenij vt cumulent hac ratione decus.  
 Sic varios hominum mores, sic discat & artes,  
 Quicquid & est doctis vtile scire viris.  
 Haud aliter studijs tua mens exercita sacris,  
 Hausisti Albiacæ dogmata sancta scholæ.  
 Fama per ingenuas & gloria quæritur artes,  
 Maxima barbaries est didicisse nihil.  
 Ergo ego te patriæ repetentem dulcia rura,  
 Prosequar & votis carminibusq; meis.  
 Nulla tibi noceant fluidæ contagia pestis,  
 Nulla tibi belli, nulla pericla viæ.  
 Angelici cætus etiam comitentur euntem,  
 Et mala te Christo nulla tuente premant.  
 Auspicijsq; scholæ faueat, vestrosq; labores  
 Præuebat, atq; suo numine cæpta iunet.  
 Inferat & pueris pulchræ virtutis amorem,  
 Quos commendabit patria cara tibi.  
 Vade bonis anibus, carosq; reuise sodales,  
 Communis patriæ quos tibi iunxit amor.

τῶν τε καὶ περὶ ἀγαθῶν ὑποπῆς αἱ μνήμαι,  
 καὶ τῶν μελλόντων ἐλπίδες ἀγαθαί.  
 Ἀστὺ μὲν meminisse decet, rebusq; futuris  
 Spes erit, haud ulli peritura uolubilis æuo.

ORNA=



# Ornatissimo viro, doctrina

& pietate præstanti M. Nicolao Olai

Haluegio, amico suo cari-  
ssimo.

*C*um Ioue natarum sedes relinquenda sororum  
Sit tibi, Leucoræ surgunt ubi mœnia doctæ,  
Hoc me sincera mandat contexere carmen  
Pignus amicitiae, mentisq; ita promere gratæ  
Signa, fidem seruans quæ perdurabit in annos.  
Ac locus ardens quamuis non iungat amantum  
Corpora: non animos tamen hic disiungere pollet.  
Sed magis incensæ pungunt præcordia flammæ,  
Nec mare nec terras nec ferrea claustra morantur.  
Irriguis igitur quamuis abiturus ad urbem  
Fontibus eximiam, cuius fundamina R O E  
Rex posuit quondam, vallis & cinxerat altis.  
Attamen Albiacis iuuenes qui viuimus oris,  
Et Musas colimus, graue non sit singula scriptis  
Claudere, quæ statuat veneranda corona virorum.  
Ingredere ergò viam felix: & numine fausto  
Quando rates altum teneant, & cærule verres,  
Ad patrios hilares tutusq; allabere portus.  
Quò tibi sollicito cætus coniunctus amore  
Gaudeat, & cupidis stringat tua colla lacertis.  
Immemori interea non linques mente sodales,

Sed

Sed quæ conditio patriæ, & fortuna parentum,  
Scribere currenti non dedigneris auena.

Et quia Vernantem rodens sit cura iuventam  
Imperio regere, atq; vagas compescere mentes,  
Tu Pater omnipotens cælo qui fulmina torques,  
**HALVEG II** curis plenos nunc dirige gressus,  
Respice conatus, teneræq; allabere menti,  
Quò tua Nestoreos resonet doctrina per annos.

Andreas Lymuicus  
Cimber.



